

UGOVOR
Br: 0602-2016-22/20
o nabavci usluga osiguranja imovine

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa Direktor, Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: EUROHERC OSIGURANJE dd, Sarajevo, ul. Trg međunarodnog prijateljstva 20, kojeg zastupa Direktor Almad Redžić (u daljem tekstu: Dobavljač)
ID broj: 4227015330421, porezni broj PDV: 227015330421.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog postupka javne nabavke – Konkurentski zahtjev za dostavljanje ponuda broj 0602-2016-5/20 - nabavka usluga osiguranja imovine, prihvaćene ponude Dobavljača broj 0602-2016-14/20 od 19.06.2020. godine koja je sastavni dio ovog Ugovora i Odluke o odabiru najpovoljnijeg Dobavljača, broj 0602-2016-20/20 od 29.06.2020. godine.

PREDMET UGOVORA

Član 2.

Predmet ovog Ugovora je nabavka usluga osiguranja imovine KJKP „POKOP“ d.o.o. Sarajevo, prema prihvaćenoj ponudi, sa specifikacijom usluga, koja čini sastavni dio ovog ugovora.

UGOVORENA CIJENA

Član 3.

Ugovorena vrijednost ugovora za osiguranje imovine iznosi 11.830,00 KM.

(slovima: jedanaest hiljada osam stotina trideset i 00/100 KM)

Dobavljač usluga će Ugovornom organu dostaviti police za svaku vrstu osiguranja prema tarifnim grupama i iznosima iz ponude. Premije osiguranja su fiksne i važe 12 (dvanaest) mjeseci.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču plaćati u 12 (dvanaest) mjesečnih rata, u roku do 60 (šezdeset) dana nakon prijema uredno ispostavljene fakture za izvršene usluge, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio

UGOVORNA KAZNA

Član 5.

U slučaju kašnjenja u izvršenju usluga do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti usluge koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovornu kaznu ukoliko je do kašnjanja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

OSNOVNE OBAVEZE DOBAVLJAČA

Član 6.

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

Dobavljač je dužan nakon prijave štete odmah poslati svog predstavnika, s ciljem utvrđivanja uzroka, obima i visine štete, te prikupljanja svih relevantnih dokaza uz prisustvo i pomoć predstavnika Ugovornog organa. Ukoliko to ne učini u roku od 3 (tri) dana, Ugovorni organ može započeti sa otklanjanjem štete bez saglasnosti Dobavljača, uz uslov da je Komisija završila popis oštećene imovine i sačinila zapisnik. Izuzetak predstavljaju štete koje se moraju otklanjati u najkraćem mogućem roku. Zapisnici i ostala dokumentacija će se dostavljati Dobavljaču, uz izvještaj o saniranim štetama, jednom mjesечно.

Član 7.

Dobavljač je dužan isplatiti naknadu najkasnije u roku koji ne može biti duži od 15 (petnaest) dana, računajući od dana nastanka štete, kompletirane sa svom potrebnom dokumentacijom koja prati likvidaciju (obradu predmeta), a sve u skladu sa Ponudom i uslovima osiguranja.

U slučaju da se Ugovorni organ i Dobavljač ne slože pri utvrđivanju i procjeni štete, svaka od ugovornih strana može zatražiti da štetu utvrde stručnjaci (vještaci), u skladu sa važećim uslovima za osiguranje imovine. Iznos naknade ne može biti veći od štete koju je Ugovorni organ pretrpio nastupanjem osiguranog slučaja.

Ako iznos obaveze Dobavljača ne bude utvrđen u roku iz prvog stava ovog člana, Dobavljač je dužan na zahtjev Ugovornog organa isplatiti iznos nespornog dijela svoje obaveze, kao predujam.

Član 8.

Dobavljač kojem Ugovorni organ dodjeljuje ovaj ugovor, nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica, koje je angažovala Komisija za nabavke, 6 (šest) mjeseci po zaključenju ugovora, odnosno od početka realizacije ugovora.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

Nastankom štetnog događaja Ugovorni organ je dužan isti odmah prijaviti, a zatim će u roku od 3 (tri) dana poslati Dobavljaču pismeno obavještenje (prijavu) u kojem će navesti način i vrijeme nastanka štetnog događaja. Ugovorni organ je dužan da odmah, ukoliko je u njegovoj moći, štetni događaj zaustavi i smanji posljedice bez pomjeranja ili većih popravki, sve dok se ne izvrši popis i pregled štete od strane Dobavljača ili dok ne dobije saglasnost Dobavljača za popravku.

RASKID UGOVORA

Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 12.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 13.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 14.

Ovaj Ugovor se počinje primjenjivati dan nakon isteka ugovora sa prethodnim dobavljačem, odnosno od 01.08.2020. godine u trajanju od 12 (dvanaest) mjeseci.

Član 15.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog ugovora, ugovorne strane ga svojeručno potpisuju.

Ugovorni organ

KJKP „POKOP“ d.o.o. Sarajevo

Izv.dir. Asmir Hodžić
Direktor, Goran Cerić



Dobavljač

EUROHERC OSIGURANJE dd, Sarajevo

Direktor, Almad Redžić

Broj, 0602-2016-22/20
Sarajevo, 10.07.2020. god.

Broj, 208332527
Sarajevo, 14.07.2020 . god.